

明
詩
紀
事

明詩紀事卷九

貴陽陳田輯

明鑑

孫賈十一首

賈字仲衍南海人洪武庚戌舉人授工部織染局使尋出爲虹縣主簿擢翰林典籍復出爲平原主簿坐累逮繫旋爲蘇州經歷謫戍遼東坐藍玉黨死有西菴集八卷

四庫總目孫賈當元季綺靡之餘其詩獨卓然有古格雖神骨雋異不及高啟而要非林鴻諸人所及黃哲李德王佐趙介與賈號南園五先生哲之五言古體祖述齊梁德之七言長篇胎息溫李俱可自名一家惟佐氣骨稍卑未能駢駕而介詩所存太少不足以見所長

黃佐明音類選吳下四傑嶺南五先生大家輩出莫

不比興成音其深於詩者乎

詩談嶺南孫仲衍王彥舉黃庸之趙伯貞李仲修時

稱五傑惟仲衍清剛流麗明珠走盤不能自定彥舉

雄俊豐麗殆敵手也德慶李文彬亦時動敵後瓊山

邱濬詞雖豐腴勁秀則少矣

國雅廣中四傑並有盛才特閑於七言如孫之蔣陵

兒次武昌黃之戰城南李之秋情等篇能自迴出常

境綺嶺處亦類初唐語

詩藪孫仲衍驪山老妓行濃麗繁富殆過于言而中

多猥劣孫同時嶺南黃哲亦長七言古才情少劣氣

骨勝之

屈大均廣東新語廣州南園詩社始自國初五先生

越山詩社始自王光祿漸達倫祭酒以訓浮邱詩社

始自郭光祿葉王光祿學會訶林淨社始自陳崇伯

子壯而宗伯復修南園舊社與廣州名流十有二人

倡和葉石洞云東廣奸辭縉紳與先生解組歸不問家

人生產惟賦詩修歲時之會粵人故多高致乃爾堪

詩自五先生振起至黃文裕而復興陳雲際云太史

公謂齊魯文學其天性粵於詩則有然矣我國家以

淮甸爲豐鎬則粵應江漢之紀風十才子並起皆南

五先生以勝國遺佚與吳四傑闢十才子並起皆南

五先生以勝國遺佚與吳四傑闢十才子並起皆南

五先生以勝國遺佚與吳四傑闢十才子並起皆南

五先生以勝國遺佚與吳四傑闢十才子並起皆南

五先生以勝國遺佚與吳四傑闢十才子並起皆南

五先生以勝國遺佚與吳四傑闢十才子並起皆南

音風雅之功於今爲烈
本事詩仲衍才調傑出四
人之上卽吳中四傑亦應

讓步

鄧球咏化類編孫贊博學善詩豪逸足追古爲宋潛

溪高弟太祖誅藍王贊嘗爲玉題畫被逮將刑口占

一詩云鼙鼓三聲急西山日又斜黃泉無客店今夜

宿誰家既誅太祖問監殺指揮贊死時有何言指揮

以前詩對太祖怒曰彼有如此好詩汝乃不奏而遂

殺之何也亦命殺之

趙翼陔餘叢考明孫贊爲藍玉題畫臨刑口占云

按此詩乃五代時江爲爲草投江南表其友未出境被

共友欲亡奔江南爲爲草投江南表其友未出境被

擒搜得稿遂併收爲爲草投江南表其友未出境被

日衙鼓驚人急西傾日又斜黃泉無旅店今夜宿誰

家事見溥陽陶岳所撰五代史補第五卷今乃移之

仲衍何耶豈仲衍被刑時誦此詩以寓哀聞者不知

遂以爲仲衍自作耶

田按仲衍與彥舉庸之仲修伯貞稱南園五先生其

實南園結社抗風軒中吟侶仲初一舉之伯貞不

與也西菴集中琪琳夜宿與彥舉聯句序云疇昔年

十八九時一時間人相與友善若洛陽李長史仲修

帶林黃別駕楚金東平黃通守庸之武夷王徵士希

四

月寺已等卷上

二

言系蜀先
黃長史希文古岡蔡廣文養晦番禹趙進士
安中及其弟通判澄徵士納北平蒲架閣子文三山
黃進士原碧共結詩社南園之曲豪吟劇飲更唱迭
和而彥舉與余爲同庚情好尤篤獨不及伯貞名黃
才伯云伯貞嘗以一藁自隨遇景卽投詩其中絕不
爲人留題紹興恆病其猶日往還西樵泉石間獨與
入十翁劉樂善相倡和以自娛方孫王李黃結社南
園更迭倡和而伯貞不與結社之一證也繼讀伯貞
五先生此亦伯貞不與結社之一證也繼讀伯貞
雨詩有云南園多酒伴有約候新晴又似曾與南園
詩社者或入社較晚故仲衍琪琳聯句序偶不及之
耶仲衍於詩社中獨推許彥舉其作南園歌云昔在
越江曲南園抗風軒翠英結詩社盡是琪琳仙滄洲
之盟誰最雄王耶獨有謫仙風狂歌放浪玉壺缺劇
飲淋漓宮錦紅青山日落情未已王耶拂袖花前起
歡呼小玉彈鳴箏醉倚庭梧按宮徵哀絃冷飛光未
終忽有華月出山東醵詩復作夜遊曲銀燭飛光白
似虹當時意氣凌寰宇湖海聲詩萬人許酒徒散落
黃金空獨卧芳襟夜深雨讀此詩可想見南園風雅
之盛迄今遊嶺海者詭爲美談仲衍家有煙霞寄傲
亭當與南園抗風軒並峙不朽也

輸役蕭牆

係組赴烏臺解佩辭禁垣弛刑許輸役獲譴尙承恩跼蹐感
明箚引咎復何言平明操板築日沒就徽纆寒氣襲敝裘重
負賴我肩撫已諒無愧服勤思蓋愆息杵入屏城仰瞻東華
門祥光拂左纛卿雲護彤軒羣鳳麗羽翰飛梭高中天重關
起象魏光彩一何鮮百辟羅周行鳴珂翕鏘然皋夔儼穆肅
董賈來翩翩白日光昭融下照甯有偏微命嗟薄劣獨茲阻
周旋

紫駟馬

田按黃才伯廣州人物志云仲衍爲平原簿以事逮繫有旨輸左校板築蕭牆望都門謳吟爲粵聲督工者以聞召至上前陳所作詩皆忠愛語特命釋之當卽指此詩也

紫騮馬黃金羈妾家夫婿金陵兒金陵正值繁華時日與遊
俠相追隨追隨遊俠金陵下長跨金羈紫騮馬賭勝初登蹴
踘場縱酒還來鬥鷄社越羅楚練照晴空飛鞍揚鞭去似龍
卻轉端門迴輦路斜穿夾道過行宮行宮夾道通三市長使
旁人誇意氣紫陌春融錦繡連青樓日暮簫笙起青樓娼女
研羅裙清歌宛轉駐流雲歌闌陌上春風度舞罷樓前璧月
新陌上樓前相識多相陪相引屢經過房櫳寂寂交疏裏雲
鬢粧成奈爾何

羅浮歌寄洛陽李長史仲修

亭亭西樵峯宛在南海湄日華麗仙掌影漾金銀池我昔偏
舟恣長往凌風浩蕩煙霞想尋幽更欲探神奇復向羅浮事

仙賞仙家三十六洞天羅浮更與滄洲連丹霞射影四山靜
羣真環珮來翩翩藥珠之峯數十丈君時與我緣蘿上水簾
直下飛晴虹萬壑天風度流響山中劉郎司玉璽仙書授我
琅函開心如明月炯虛照身與浮雲同去來此時會合那能
再塵土分飛忽三載我行奏賦登金門君亦乘船渡淮海淮
海迢迢煙樹深相思歲晚結愁心長風萬里碧雲遠何由一
寄還山吟山中洞房春寂寂山中之人長嘆息松花酒熟人
不歸瑤草春風幾回碧

平原田家行

零星矮屋茆數把散住榆林柳林下磊牆遮雪防飄風婦女
頽垣拾磚瓦黃牛買得新墾田土戟犁淺牛欲眠古河無水

掛龍骨自縈蒲繩探苦泉山蠶食葉黃繭老野火燒桑桑樹
倒四畔靈雞喔喔九月霜風落紅棗春絲夏絹輸稅錢木
綿紡布寒暑穿夜春黃米爲新酒學唱清商作管絃平田三
多麥少熟杏盡梨枯惟食粟衣粗食惡莫用悲猶勝北軍離
亂時

題黃萬戶德清羅浮圖

將軍昔年在東都虎頭鐵面專城居重營柳暗流蘇帳左掖
花明金虎符東都郊外多林壑將軍公餘事行樂露冕旌旌
隘北山行廚賓從如東洛紫雲白雲千萬峯羅浮更在二雲
東古木千章排疊巘飛泉百道瀉晴虹仙家洞天三十幾羅
浮更在滄洲裏紫極房櫺倚日開藥珠樓觀經天起雲霞道

士不知年夜禮星辰誦內編龍種玉芝耕赤谷鶴啣瑤草下
青田將軍此時事幽討追攀極欲凌穹昊扶桑縹緲徐福舟
輦路依稀漢陵道別來倏忽幾冬春京洛相逢車馬塵石室
琅函仙夢遠朱衣瓊珮歲華新新圖誰爲將軍作點染猶能
記絲邈雨過琪花定滿壇星沈寶氣應連閣我與將軍總可
憐遠遊經歲復經年羅浮清賞如堪再同賦陶潛歸去篇

捕魚圖

小孤洲前春水綠泛湖小船如小屋白頭漁父不解愁往來
捕魚湖水頭得魚換米納官稅妻孥衣食長優游大兒十三
學網罟小女七歲能搖櫓江口賽神夜吹角村邊賣魚朝打
鼓雨來雜梢依古岸風起鳴榔入長浦荻芽短短桃花飛鱖

魚上水鱗魚肥膾魚燒筍醉明月蠻歌唱和聲咿咿月明在
天光在水但願年年只如此無風無浪安穩眠湖中有魚魚
得錢

次李陽河

櫓聲咿軋如人語魚吹浪花作飛雨停船把酒小孤山頃刻
回梢失前侶危檣五兩飛向東李陽河水起西風江豚翻浪
出復沒舟人倚柁認晴虹秋雲陰陰樹葉脫樹頭黃雌猶聒
聒明日雲開楚天豁

送翰林典籍張敏行之官西上

燉煌城下沙如雪燉煌城頭無六月關西勁卒築防秋捷書
夜半飛龍樓九重下詔徵貔虎推轂上將開都府黃旗卷日

大軍行旄頭化石夜有聲燉煌迢迢五千里十月卽渡黃河
水上將翩翩才且雄平戎不數貳師功叱咤猶在輪臺北匹
馬已入渠黎國左校偏裨晚射雕倚鞍醉索單于朝西山黑
風吹墮瓦霜角吹秋塞垣下太平今見遠宣威君往從戎幾
日歸幕下文儒兼解武詞林從此有光輝

田按敏行名誦長安人元進上入明爲翰林典籍其
之官甘肅衛經厯宋景濂有序贈行云敏行官典籍
時四庫之書多藏文華堂卽啟鎔以上一曰上御東房
業之所中使傳宣索書而前日爾能詩乎敏行研墨
遙見敏行委蛇入堂召而前日爾能詩乎敏行研墨
濡毫跪寫以進上覽畢悅曰爾詩甚佳由是日承願
問特命爲甘肅衛經厯賜內府金以寵其行凡所與
游皆爲賦詩仲衍此詩當卽此時作也仲衍又有詩
贈敏行云文章堂上論交日對榻哦詩白晝長晴日
盡簾窺水暈暖風羅袂散天香尋常應制才堪並四
十從戎髮未蒼春半黃河冰片解旄麾幾日望燉煌
敏行蓋亦擅吟事者惜無詩可採附見其事於此

高郵

山日未出煙渺茫高郵放船催下江搖櫓唱歌白鶴子過湖
打鼓黃頭郎烏拖雲葉低貼水魚噀浪花高接窗微官所得
幾何計吟鬢四十今蒼蒼

采石太白墓

冠履何年墮世塵先生元是謫仙人春雲彩筆驚飛燕暮雨
滄江泣石麟牢落清名元不死衰遲大雅竟誰陳偷然我亦
狂吟客思殺風流賀季真

次黃州

日落放船鸚鵡洲漢陽煙樹白幽幽江豚數起浪花多野鶴
一聲山木秋帆影掠雲過赤壁櫓聲搖月下黃州何因散髮

林皋下得似蘇仙爛漫遊

黃哲 五首

哲字庸之番禺人明初以薦拜翰林待制入書閣侍
太子讀書尋兼翰林典籤出爲東阿知縣遷東平通
判罷歸尋坐法死有雪蓬集

黃佐廣州人物傳庸之刻苦讀書通五經嘗借文選
手抄之遂能作詩性好山水結廬蒲澗往來羅浮峽
山南華諸名勝以爲未足辭家度庾嶺遊吳楚齊燕
一時湖海英豪皆與遊焉當風雪時泊舟秦淮遇朱
文昭徐穎輩相與握手吟咏沽酒大噱二人皆曰君
才如白雪吾雖知音如寡和何自是益有名
田按孫西庵應制賦醉學士歌贈宋景濂景濂集後
附錄獨不載此歌西菴本集亦不錄殊爲缺典西菴
集中應制遊鍾山諸詩亦不見好庸之官翰林典籤
時左丞相徐達北伐捷聞太祖命賦詩稱旨未幾所
雨鍾山獲應御製七言詩志喜庸之復應命奉和云
雨暘時若民乃康孰令煥旱憂吾王九土如焚嗟亢

陽天津欲竭陰虹藏齊宮對越騰馨香眞宰默應徵
休祥靈祗率職妖魃藏甘霖信宿仍汪洋白龍后土
占歲穰黍稷報功王道昌小臣頌述歌虞唐巍巍端
拱垂衣裳音節殊自高朗庸之非徒擅長風雅吏治
亦復可觀知東阿時值旱麥苗盡彫乃齋戒徒跣烈
日中詣洪範祠龍池禱雨詞旨哀惻甘澍應時優渥
民驩呼曰此黃公雨也庸之有詩紀事云齋沐戒徒
御星言趨絳壇屬茲愆陽序雩祀罄衷丹龍欣育深
閔神物時蜿蟺馨潔始云薦靈祈紛可干沛然感敷
施賑霖濟多艱漸漸在林晚冥冥被岡巒焦原幸沾
濡庶類同忻懽鳴鶴集穹室翔麟躍紋澗郊垌悅童
耄庠塾慶衣冠所協詠歸趨方希民俗安廣歌誦雲
漢元化奚能殫誦此詩如見元魯山一輩人也

秋月篇

金商鳴素節瑤律屆先秋始見西陵月嬋娟滄海頭清規臨
夜滿澄影際天浮媚浦沈珠迴凝波淨練收常懸鳩鵲署初
照鳳凰邱碧落宵同映銀潢曉共流梁園生綺夢陳樹感芳

憂爽決征人袂光含思婦樓玉臺情未已鸞鑑影空留詎惜
盈虧屢仍知晦朔周關山隨別騎淇水送行舟願逐餘輝去
蘭堂奉夕遊

擬古

魯連天下士夙蘊匡世才卻敵愧論賞英聲騰九垓燕昭市
駿骨樂毅趨風來虎戰躍中野名成真壯哉僕本江海人西
登鳳凰臺感此千古意長吟屢興哀朝經夷門市夕醉高陽
杯揮戈拂倒影義輪爲之迴寶匣絢青蓮龍文拭輕埃神光
夜揮霍按舞何嫌猜騰驥爲君舉願掃浮雲開

臨高臺

臨高臺高臺百仞凌雲開丹霞曙色明九垓咸陽王氣何佳

哉交疏結綺紛崔嵬虹橋複道雲中來直過南山表雙闕遙
連北極正三階宛轉朱闌臨渭水蜚廉觀閣通天起銅龍高
拱日華鮮青雀颺翻月明裏鳴璫搖珮溢層城錦幄芙蓉翡
翠屏寶鼎香酥調玉食金莖瑞露屑瑤瑤英瑤英玉食知難老
鸞鏡青蛾爲誰好君王入駿上瑤池日暮長門怨芳草芳草
年年換物華瑤池歌管醉流霞皆傳阿母桃成實又獻安期
棗似瓜蟠桃碩棗真堪羨方朔詎諧侍驪宴題詩爭擬柏梁
新求仙豈意桑田變願得層臺更萬重崑崙西望接崑崙能
共赤松鞭彩鳳仍隨軒后駕蒼龍下顧淒淒茂陵道惟餘隴
樹生秋風

醉歌行爲鄭復初雄飛昆仲賦

昨日風雨中我來自西山不知春早暮花落長林間林間幽
人心事閑相逢一笑開雲關問我別來春幾度五見飛花滿
行路黃橙丹荔繞池裁水清離離照芳樹登高酌我黃金罍
傾情寫意無嫌猜攜觴復就花下飲鳥啄餘花鋪綠苔我惜
落花君莫掃乘興卽來坐芳草江山如此多閱人與君相期
恨不早君家伯仲多才雄白眉更是人中龍東山還著謝公
屐百世行藏安得同爾曹曾辭鶴書召子亦蹉跎走荒嶠華
髮盈簪已自慚烏巾折角從人笑悠悠行路心惟君可知音
南冠發楚奏拂拭瑤華琴商聲淒淒夜沈沈酒酣風悲月出
林終然苦調不可聽爲君更賦還山吟他年訪我桃花洞洞
口花殘春正深

送董文啟之江夏宰

委珮晨看拜玉除，西游真食武昌魚。
王孫碧草秋無際，仙掌金莖露下初。
今日才名須卓茂，當年詞賦說相如。
登臨若對南樓月，待爾賓鴻寄尺書。

王佐三首

佐字彥舉，河東人。移居南海。洪武初，用薦拜給事中，有聽雨軒、瀛洲二集。

田按：彥舉與仲衍蹤迹最密，何左丞真開府廣州，兩人同爲書記，後復同遊。琪聯句，彥舉酬仲衍詩云：春風草檄，將軍模夜月；聯詩羽客壇，紀其事也。彥舉給事黃門二年，卽乞骸骨歸。時臣僚自陳者多，被譴斥彥舉以恭慎得歸。當時以爲難彥舉舟次匡廬，寄同朝諸公詩云：天上鶴鸞還接武，江邊鷗鷺已忘機。他年行部如相問，秋水蘆花是釣磯。以高季迪諸人視之，有幸有不幸矣。

應制賜宋承旨馬

聖明天子齊唐虞四方混一同車書大宛西域總臣附萬馬
入貢皆名駒天閑十二森成列牝牡驪黃色俱別羅帕輕籠
錦作繡絲韁穩鞚金爲勒玉堂學士真老臣日日趨朝赴紫
宸承恩特賜飛黃馬騎出通衢不動塵飛黃之精真天駒四
足騰驤若星駛况拜親題御製詩奎壁垂芒照人世須知君
恩如海深臣騎黃馬當赤心風雲會遇有如此彤筆宜書煥
古今

田按洪武九年拜宋濂爲翰林學士承旨濂子璉爲
中書舍人孫慎爲儀禮序班太祖時訓誠之笑語濂
曰卿爲朕教太子諸王朕爲卿教子孫以濂行步艱
詔太子選良馬以賜親寵宸翰作馬歌並詔諸臣和
之考功監令華克勤詩云黃馬大宛種樞奇骨不凡
天子賞其駿駿在十二閑勅賜詞林老承旨大僕率

明詩紀事卷九

十

來玉焜裏霜蹤踏風鬣翻錦鞍新翦千花麗老臣
有子兼有孫同時出入黃金門白頭趨朝戴星起子
孫扶持來謝恩聖朝行賞不濫施勳臣乃賜龍媒駿
儒冠一人乃如此稽古桓榮功在茲給事中虞恭詩
云大明天子御天下重譯來賓混夷夏日本之東西
域西巖巖梯航貢天下馬中閒一匹馴且良鬣尾金
雙瞳方奔騰休誇照夜白驕嘶自是真飛黃禁林學
士老詞伯年過六十毛髮蒼近臣傳宣特賜此彤廷
拜舞承恩光官柳垂絲拂寒草奚官牽來錦鞍好阿
兒前携孫後扶晚涼騎向東門道西風振鬣塵不驚
家僮卻訝朝回早彥舉臣騎黃馬當赤心句特爲太
祖所賞賜鈔一錠

午日呈鄭久誠參政

百頃芙蓉罷畫船賀家湖上水連天金盤送果沈冰碗羅扇
題詩散舞筵往事氛埃成遺夢佳辰風雨憶華年澗蒲九節
根如玉服食于今笑學仙

江行

江水悠悠行路長孤鴻唳月有微霜十年蹤迹渾無定莫便
逢人問故鄉

李德

四首

德字仲修番禺人洪武初用薦授洛陽典史遷濟南
府經歷改西安自陳願就教職授漢陽教諭改義甯
學官有易菴集

川按仲修歷官洛陽濟南西安自陳不能吏願就教
官得漢陽教諭秩滿改廣西義甯教官黃才伯廣州
人物傳云仲修任義甯縣學教孜勸諭科貢漸盛此
正學官之職而列朝詩集詩綜均云仲修官義甯知
縣誤矣仲修詩長於古體短篇音節流美長篇則才
力較弱不奈多吟耳

青樓曲

青樓春酣鸚鵡杯孔雀屏風錦繡開銀鸞玉鳳嬌未歇楊柳

斜飛舞迴雪越娘含醉弄絲桐十纖宛恨哀絲中裁成白雪
惱芳容長卿茂陵髮如蓬

房中曲

金井烏號風撼撼桂樹團團江月白洞房秋思滿嬌娥淚滴
珊瑚眠不得玉臺塵鑑少光輝彷彿孤鸞彩翼垂蓮枯蕙折
無人惜露溼綺疏生網絲

秋情

熾炬搖紅紗隙凍沈香帳底鴛鴦夢芙蓉波冷薄霜凝一夜
離鸞憶單鳳梧桐金井曙曉鴉夢郎封侯歸妾開門自掃
枇杷花

送友人

關雲櫛櫛吹沙黃瑤華拂劍春風香鵝黃淺泛玻璃光越妓
舞衫金縷長江津白白黃灣月神魚撇波龜甲裂湘娥凝綠
染春衣踏踏青雲郎馬歸

趙介一首

介字伯貞番禺人洪武中坐家累逮赴京道卒有臨

清集

田按伯貞閉戶讀書無仕進意時有南海李韓字藏
華與伯貞齊名藏華有集名夷白伯貞集名臨清黃
庸之贈二人詩云夷白抗浮雲臨清延素賞何因繼
芳躅一邱同偃仰深致推挹夷白集不傳附見其姓
字於此

南樓對月

夜上南樓看月色水晶簾捲銀河碧冰輪倒射滄波寒對此

清光是何夕舉酒邀月真吾儔夜長不用秉燭遊萬里涼風滿襟袖洞庭七澤涵清秋秋聲冷拂珊瑚樹湘娥鼓瑟鮫人語試吹玉管過行雲曲中彷彿霓裳舞霓裳舞罷迴明璫北斗已挂西山傍但願清尊長對月今人古人何足傷

明詩紀事卷十

貴陽陳田輯

林鴻

十八首

鴻字子羽福清人洪武初以薦授將樂訓導擢禮部員外郎有鳴盛集四卷

藝苑卮言補長源林子羽如小乘法中作論師生天則可成佛甚遙

詩數子羽諸體皆工五言律尤勝合處置唐錢劉不

復辨別七言律如珠林積雪明山殿玉潤飛流帶苑

墻諸天日月環龍衮九域山河拱象筵納經雁宕千

峰雪定入峨眉半夜鐘雲邊夜火懸沙驛海上寒山

出郡樓皆氣色高華風骨道爽

國雅林員外才思藻麗如遊魚潛水翔鳶薄天高下

各適性情廬陵劉子高序其集云已窺陳拾遺之奧

大有開元之風余八選五言全佳者如芙蓉峯出塞

送高郎中讀書臺其句有苦霧沈旗影飛霜溼鼓聲
似戰餘落日黃軍敗鼓聲死又燈影秋雲裏書聲晚
磬中似塔影挂青漢鐘聲扣白雲並稱警絕信不在
大厯下也

陳衍槎上老舌子羽詩文一洗元人纖弱之習爲開
國宗派第一萬厯初袁太守景從馬參軍用船同選
十才子詩雖復精勤不無罣漏如人分滄海色江轉
白雲痕山鐘知寺遠海月憶家貧落日扁舟去秋風
萬里心重關逢雪度走馬見星移鄧樹侵吳近淮流
入海長古柳垂青蔓沙河急暮流三軍隨虎竹萬里
度龍沙古戍冰成壘春雪作花糝橋寒吐月驛樹
晚藏煙關雲迤邐斷海雨入災深皆五言佳境何以
去之又七言如雲邊夜犬鳴沙驛海上寒山出郡城
殘煙野戍間寒笛落日楓林見驛梅南粵雲來螺浦
北東甌天接虎門蒼嶺小門前人散後瀟陵橋上燕
來時江川未熟晴燕曉館北雁飛寒山月落青楓晚
空白雁晴疎砧舊館空江上遠火人家積雨中亂山
背水孤城晚獨樹臨關一葉秋如此蒼棘警策亦在
所刪何也

少洲詩話林鴻寓郡城洪武中薦授訓導起拜膳部
員外郎嘗爲僧吟白蓮云淡月瑤池夜微風太華陰

翠翻擎露蓋玉冷墜波簪一洗有爲法應同不染身
誰能招惠遠結社向東林又贈行腳僧詩云朝衡暮
復嵩山過幾多峯年老無筋力方懷故院松閑當國
限雪法尙沿宋元之故至鴻始以唐人音調唱鳴鄉
初詩遂爲一時風雅之宗
朱彝尊曝書亭集閩中善詩者數十才子鴻爲之冠
十才子者閩鄭定侯官王袞唐泰長樂高標王恭陳
亮永福王偁及鴻弟子周玄黃玄鴻之論詩大指謂
漢魏骨氣雖雄而菁華不足晉祖玄虛朱尙條暢但
務春華少秋實惟唐作者可謂大成然貞觀尙習故
陋神龍漸變常調開元天寶間聲律大備學者當以
是爲楷式閩人言詩者率本之鴻
明詩別裁閩中詩派以子羽爲首宗法唐人繩趨尺
步眾論以唐臨晉帖少之然終是正派
田按子羽詩以盛唐爲宗諸體并工論者謂晉安一
派有詩必律有律必七言引爲口實亦蹈襲者之過
也劉子高序鳴盛集云子羽詩若殷璠所論神來氣
來情來者莫不兼備天姿卓絕心會神融子高詩流
其言亦可爲定論矣

無諸釣龍臺懷古

日音系圖卷一
二
歐閩古夷服無諸漢英雄秦鹿旣已死卻辭陸準翁組練照
海色旌旗來故宮赫矣茅土業大哉開闢功事往滄海變龍
飛伯圖空昔日釣龍臺空餘江水中桂殿苔色古空陵雲氣
紅朝夕卷寒潮隱隱聞雷風登臨畢餘景感嘆無終窮

同諸生登桂月蘭若

金人青蓮字乃在白雲裏久與名僧期乘間卻來此入門聞
經梵絃壁見巾履落磻泉影紅侵廊薛花紫海天正南豁一
望見千里獨樹川上浮孤煙島邊起予生况多暇所性樂山
水真賞非外求冥心巢居子

鐔上送僧歸衡山

上人孤閑似雲鶴十五出家住衡岳說法能超最上禪持心

不受羣疑縛世上誰知來去蹤南窺太華北遊嵩利經雁蕩
千峯雪定入峨嵋半夜鐘于今戒臘青松古猶泛慈航到東
土楊柳舟中九曲雲笓笠上三山雨昨夜歸心繞楚天西
風杖錫又茫然化龍潭畔清秋別同雁峯頭舊日禪

寄王六校文兼似吳二太守

京師二月春雪飛雪後餘寒添著衣曹官祿薄酒苦貴一飲
百錢恆不醉忽然停杯憶鄉里美髯校文最知已作詩判不
讓高岑醉後狂吟狂欲死有時忽得意竟上金雞山彈琴酌
酒送飛鳥心比白雲閒更聞虎頭巖前柳拖地龍池溪上花
滿灣醉歸騎得將軍馬城上烏棲門未關白頭太守別來久
別後還能相憶否詞賦終爲紙上塵功名不及杯中酒芭蕉

葉長近何如前日人來不寄書莫言閩海少飛雁何事秦淮多鯉魚

義象行

有象有象來大都大江欲渡心若且誘之既渡獻天子拜跪
不與眾象俱象奴勸之拜怒鼻觸象奴賜酒不肯飲哺之亦
不舖屹然十日受饑渴俛首垂淚憤且吁天子命殺之眾官
束手不敢屠侍衛傳宣呼壯士披甲各執丈二戈象戰久不
克兵捷象乃殂憶昔君王每巡幸象當法駕行天衢珊瑚錯
落明月珠被服美錦紅氍毹紫泥函封載玉璽萬樂爭擁羣
龍趨玉璽歸沙漠龍亦歸鼎湖所以老象心南來誓死骨爲
枯嗟爾食祿人空負七尺軀高高白玉堂赫赫黃金符伊昔

軒冕今泥塗嗟爾食祿人不若飯豆芻象何潔爾何污天子
垂衣治萬世俾全象德行天誅嗚呼象兮古所無嗚呼象兮
古所無

王圻稗史彙編唐有舞馬祿山使舞不就而戮之昭
宗時有獼猴賜以緋衣謂之猴部頭朱溫既篡引坐側
獼猴號裂衣溫叱殺之此世皆知也若宋亡崖山
時有白鷗見幼主崩哀鳴躑躅竟墜水死元有鴛象
太祖登極不肯拜跪竟死爰下國初林子羽有義象
行

出塞曲

驪馬盡殍弓生爲北塞雄探兵千里外捉騎萬人中虎帳秋
懸月龍旗莫颺風歸來領旌節立在未央宮
十五薊門行能探歸虜情潛兵秋度磧牧馬夜歸營苦霧沈
旗影飛霜溼鼓聲昨來承密詔東築受降城

送殷秀才之武功

送君遠行役，覲省入西秦。
五月臺江水，孤舟去國人。
蒼山低戍壘，野日暗行塵。
無限同遊意，分携淚滿巾。

方廣巖記遊

懸巖太古色，恍若入鴻濛。
一徑攀躋盡，諸天杳靄中。
雲歸山殿冷，月出水簾空。
靜境離言說，冷冷松桂風。

王屋山天壇

名嶽推王屋，孤標跨杳冥。
深窺砥柱黑，高並太行青。
分野連三晉，風雲萃百靈。
鶴歸松已偃，龍去水猶腥。
竈隱燒丹火，龍餘煉髓經。
羽人金磬動，應此禮寒星。

春日遊東苑應制

長樂鐘鳴玉殿開千官步輦出蓬萊已教旭日催龍馭更借
春流泛羽杯隄柳欲眠鶯喚起宮花乍落鳥銜來宸遊好續
簫韶奏京國于今有鳳臺

麓堂詩話林子羽鳴盛集專學唐宣德間有晏鐸者
選本朝詩亦名鳴盛詩集其第一首林子羽應制曰
隄柳欲眠鶯喚起宮花乍落鳥銜來蓋非林最得意
者則其他所選可知
田按孝陵臨軒試子羽龍池春曉孤雁二詩一日名
動京師其應制諸作若隄柳一聯終是唐人名句不
得以西涯之論抑之也

九日登絳月蘭若憶鄭二宣

微霜初下越王城衰病逢秋也自輕九日登臨多縱飲百年
感慨獨鍾情斷蟬野寺黃花晚遠樹江天白雁晴卻憶浮邱
炎海上懶題詩句寄同聲

賦得垂楊送客

客路垂楊最有情，
嫵風吹綠漸冥冥。
雨深楊帝宮前見，
月落桓伊笛裏聽。
葉暗乍堪藏乳燕，
花飛終恨化浮萍。
分携欲折長條贈，
愁絕河橋酒幔青。

憶浮邱生往交州

旬日陰霖結不開，
窮居幽草亂侵階。
也知白髮緣愁長，
無那青山與願乖。
行阻看花携濁酒，
卧聞唳鳥閉虛齋。
比來況與浮邱別，
一望南山一愴懷。

將歸冶城留別陳八炫林六敏

南宮歸後歲蹉跎，
此日逢君奈別何。
野館解鞍行客飯，
寒山對酒故人歌。
蒹葭水國孤鴻度，
橘柚霜林正馬過。
爲報已無

軒冕夢清冷臺下卧煙蘿

登釣龍臺

逐鹿屠龍事渺茫空臺依舊枕山岡
衣冠神禹傳苗裔風壤宗周列職方
南粵雲來螺渚白東甌天接虎門蒼
登臨送別兼懷古不惜狂吟倒玉觴

登岳陽樓

湖水平臨夔子國岳陽絕勝濯龍宮
樓臺迥出丹霄上島嶼浮來玉鏡中
罌客琴尊猶對月榜人舟楫若乘空
青蘋風起還能賦不獨蘭臺宋玉工

題吳江垂虹橋

雲帆秋晚過垂虹落日鯨波動遠風
欲借仙家遶海鶴月明

吹笛水晶宮

王恭二十首

恭字安中自號皆山樵者閩縣人永樂初以儒士薦
修大典授翰林典籍有白雲樵唱鳳臺清嘯草澤狂
歌

四庫總目恭吐言清拔不染塵俗得大歷十子之遺意
閩書王安中寓居長樂採樵行歌自號皆山樵者文
廟時修永樂大典鄭定高廷禮交薦之強起至京年
六十餘矣同郡王偁戲謂曰君無以會稽章綬故來
耶恭答曰山中斧柯幸自無恙大典成試詩高第授
翰林典籍不就歸益徇行邱壑足迹殆徧有詩數十
卷廬陵解縉稱其布衣蕭然不慕榮寵強起決去若
朝陽孤鳳
國雅王安中思多悽怨託喻頗深如塞下云嘶馬邊
塵黑鳴笳隴日昏昭君云身隨胡地遠心是漢宮愁
寒村云古路無行客開門有白雲鷗鴂云長沙有遷
客莫向雨中嘶老馬云只今棄擲寒郊路猶自悲鳴

向主人讀此例數篇俱堪淚下
徐渤閩畫記趙景哲工水墨山水師法二米王恭題
其畫云濡毫不見米南宮墨客猶傳寶晉風應有難
情何處著盡隨殘雨上青楓可以知其風旨矣
田按安中詩亦是唐調設色選聲妙極銘匠與王虛
舟可抗行二人品次在子羽之下漫士之上安中以
六十出山旋投牒歸其詠白頭翁云竹下棠梨花漸
稀白頭相對語依依五陵年少多金彈莫戀殘春忘
卻飛可謂善於自喻矣

虛白子水墨圖爲陳思孝題

開圖見嵩少妙趣忽已領濛濛
花源陰窈窕多靈境石洞闕
苔紋天窗逗雲影迎秋鶻冠涼
先雪荷衣冷長夜何所聞龍
鳴在西頂

松石峯天王寺

炎暑不可度端居日方永
同袍四五人共愛山中靜
飛閣軼

氛埃叢林逗蘿徑潭靜氣已秋竹深午猶暝初沿雙溪轉稍
入空中境婉婉林鳥聲悠悠野僧定平生好幽玩盡日愜佳
興山水發清機風泉澹初性日夕徐徐歸雲間響孤磬

舟經彭蠡

揚帆過彭蠡遠見匡廬色瀑布天上來芙蓉望中碧東林鐘
磬遠沽酒得陽夕楓林忽鳴猿淒然念鄉國

妾薄命

玉釵墮地無全股雙鳳蟠龍兩飛去雖藏匣底終棄捐欲賣
傍人不直錢虬蟠宛轉黃金井手挽銅餅繫纖縵誰知縵斷
餅墮泉千尺深沈不見影銅餅墮泉釵墮地君心何得生離
異

送張少府朝覲

閩州少尹家何處夢裏青山溧陽樹
設庭無事獨哦松走馬金陵看花去
青繩御路連青天五陵俠少黃金鞭
紅橋青幔多買醉少尹囊中無酒錢
朝同道過鄉山口春風又發秦淮柳
深水芹邊二校文相逢爲問平安否

送陳景明遊浯水便登方廣巖

閩山西來多法閩溪西一道通仙源
靈花貝葉紛相映道林鑿齒皆清言
瑤巖二月霜花積千丈垂蘿裊煙碧
水簾風捲半空寒石室雲來萬山白
眞僧不見賓頭盧片月孤峯色相
癯六時天樂聞鐘磬百尺玉潭寫畫
圖仙舟此別饒佳趣豈學悠悠尚平去
林僧定掃壁間苔山人況有驚人句

塞下曲

鎮騎向邊州生隨定遠侯戰餘關月冷兵盡虜塵秋萬骨填
沙草孤魂集成樓惟餘忠憤在須獻月支頭

夏夜曲

初月照迴廊鳴璫出洞房竹清殘暑氣荷汎小池香雪腕宮
羅潤雲鬢夜月涼庭前有梧葉早晚落銀床

題黃聲玉環清樓

樓虛千嶂合水木澹清華積雨仙源白歸雲鳥道斜褰衣凌
野翠捲幔拂秋霞想見橫經夕蒼藤落數花

題無諸廟壁

野廟大江干蕭蕭樹色寒斷碑荒草沒畫壁古苔乾龍去春

潮在猿鳴海月殘英雄那可問東逝正漫漫

吳城懷古

姑蘇城下刺蘭橈卻憶吳王古市朝香輦路邊春寂寂館娃
宮外草蕭蕭千年往事空嘯鳥半夜疎鐘自落潮明發不堪
回首處暝煙秋雨過楓橋

賦得白雁送人之金陵

燕山榆葉望秋稀雪羽瀟瀟向楚微夜雨蘆花看不定夕陽
楓樹見初飛影隨漢騎營邊落夢遶胡兒夢裏歸君別石城
霜漸冷暮雲聲斷欲沾衣

靜志居詩話袁景文以白燕詩得名然如月明湘水
初無影雪滿梁園尚未歸翻不若琴川時大本之珠
簾十二中間卷玉翦一雙高下飛也顧光遠以白雁
詩得名然如錦瑟夜調冰作柱玉關曉度雪侵衣亦

不若王安中之夜雨蘆花看不定夕陽楓樹見初飛也

賦得寺殘僧

古寺蕭條絕四鄰寺前松柏幾同春月明下界猶聞磬年老
荒山少見人貝葉舊聽雙樹法衲衣孤坐兩朝身秋風已爛
蒲團草悟得西來意自真

竹裏軒

露葉凝曉煙霜枝老苔石夜半獨行時清涼滿巾舄

苔

要路何曾著閒門積漸多五陵松柏外隨雨上盤陀

秋獵

獵馬向風飛琥珀弓白錦衣平明射鵬去日暮五陵歸

俠客

弓騎獵平原春衣污酒痕經過無舊主苔閉孟嘗門

衰柳

西風昨夜灞陵秋千樹蕭條帶驛樓莫道離人空有恨暮蟬寒雀也關愁

題畫

放鶴亭邊月影涼六橋行處見微霜瘦筇不過錢塘水只對梅花嗅冷香

書王孫射雁圖

錦袍朱帽綠弓弦卻射飛鴻灞水邊不識柳林關外路白狼黃鼠滿秋田

王偁

二十二首

偁字孟揚其先東阿人父翰流寓閩中著籍永福洪

武庚午舉人永樂初徵爲國史檢討充大典總裁出

參英國公張輔軍坐解縉黨下獄死有虛舟集五卷

劉昌懸笥項探吉水解學士縉天質甚美爲文不屬

草頃刻數千言不難一時才名甚諫時杭有王洪希

範吳有王璉汝玉閩有王偁孟揚常有王達達善皆

官翰林四人者詞翰流麗孟揚常謂希範曰解學士

名聞海內吾四人者足以撐柱東南半壁識者謂爲

知言國雅王翰檢孟揚典雅清拔綽有天寶俊聲如諸天

花雨遍雙樹慧燈懸夜月桓伊笛秋風驟騎營孤帆
乘吹發一雁渡江遲江路援聲早山城梧葉涼一燈
今夜雨千里故人心並是司空皇甫之餘
王兆雲詞林人物考孟揚氣節高勁議論英發文章
偉博書法道妙學士解大縉嘗稱其人品在蘇長公
之列
田按孟揚安中才藻略同孟揚以跌宕馳才安中以

雅麗著美孟揚古詩規撫陳黃門李翰林在唐調中
特爲高格

感寓

團魄載陽燄終古無虧盈因人示肫肫側見死與生蟾蜍薄
陰禾顧兔潛其形何當凌倒景一覩天地精

太白夜食昴流輝燭天街精感動穹漠君心甯見懷白璧忌
暗投徒使按劍猜所以狂接輿鳳歌歸去來

羸皇尪威武漢帝非仙才立關祕靈府何處求蓬萊終遺錦
池壁空獻瑤池杯但見三泉下寶衣變寒灰

大庭昔酣醉遺此鈞天章遂令鵠首墟虎視吞八荒羸基苦
莫散所恃逾兇狂詭命終見奪百二空蒼涼

玉麗不盈把德輝照四隣段生日偃卧迺能蕃衛君澆風薄

士節自碎明月珍求蟬貴明火俛仰懷古人

直木忌先伐甘井忌先竭何爲抱區區照如揭日月至人善
閉關理照慎不發入獸不亂羣虛舟任超越襄莖迷帝軒汾
陽枉堯轍棲心玄靈臺可與世人絕

尋小雄仙崑二龍潭值風雨歸草堂作

昔人洗玉髓幽洞驅龍耕丹成輟瑤耒成此秋水泓飛崖夾
兩鏡洞見雲霞生百鬼不敢嘖雌雄常夜鳴有時湍瀨寒幾
曲流瑤英清秋墮蟾影白日聞雷聲偶茲訪靈竒掃石規清
泠洗心盟鷗鷺濯髮解冠纓長風動懸蘿颯爽毛骨驚飛雨
洒而至萬壑松冥冥歸途樾桂影了了心目醒到家興未已
石室披丹經

秋夜齋居懷唐泰

高梧月未出，暝色疎煙裏。
離離鳴雁來，聲在秋塘水。
孤燈捲簾坐，寒影對窗几。
青空吹微霜，瑟瑟動輕葦。
援琴不成音，感別在千里。
誰值晨風翰，淮波盼遊鯉。

龍寺寒泉

靈源沁寒泉，空在翠微頂。
中有修鱗蟠，白日煙雨暝。
小僧習止觀，木客照孤影。
予亦洗心人，坐來白雲冷。

舟中望匡廬

茲山東南美，植立雲霞中。
九疊縈秀色，萬古青茸茸。
我懷志靈奇，絳帆喜相逢。
林端望飛瀑，天際數雲峯。
香爐紫煙滅，玉鏡澄湖空。
飛翠落巾袖，毛髮疏天風。
願此逐行役，無由訪仙。

蹤長詠遠公傳坐憶東林鐘

宿湧泉寺

翠微白雲裏逢秋思一登聳身躡雲壁飛泉搖古藤洞濶海天際坐見萬境澄飲澗動羣鹿宴坐逢眞僧邀我宿化城珠林懸古燈寥寥片月上悄悄天籟凝因愁向城市塵髮秋相仍

長歌行

有淚莫泣鮫人珠有足莫獻荆山玉赤心徒使按劍猜至寶翻令笑魚目千金蹈海稱達人五噫出關西去秦負芻不復遇知己空歌白石南山春楚卿棄相復何有於陵甘作灌園叟雜縣偶集魯東門惆悵胡能事杯酒長風蕭騷百草殘長

缺悲歌涕汎瀾金臺駿骨久已化瑤水風波不可攀畏途羊
腸能折軸緘書爲謝雲中鵠海上三花久負期醉歸漫託平
原宿

寄答黃伯亨

戎馬從東來君車正西去有似風吹海上雲天際無心忽相
遇與君相遇卽相知漚澹輪肝無復疑虞卿豈顧雙白璧平
原輕擲二美姬狂歌一斗酒共醉六屏月拂曙登古臺慷慨
與君別君行五嶺南我阻三山道何處我思君天涯但芳草
昨朝鴻雁下江煙衙得君書置我前開緘拂冰雪千里情洒
然念昔與君多意氣相期豈作桃李妍駸生立堂下叔向知
其賢袁宏發朗咏謝公遂迴船丈夫一語苟有合何必結交

窮歲年我有古干將繡澁久棄捐甯甘困泥滓恥爲兒女憐
君有長歌向余寫我有古調爲君宣月明洞口鳴風泉清商
一曲付哀絃雲山麋鹿可爲侶紛紛薄俗何其偏

怨歌行

絃奏鈞天素娥之寶瑟酒斟流霞碧海之瓊杯宿君七寶流
蘇之錦帳坐我九成白玉之仙臺臺高帳煖春寒薄金縷輕
身掌中托結成比翼天上期不羨連枝世間樂參差雙鳳裁
筠管不謂年華有凋換楚園未泣章華魚漢宮忍聽長門雁
長門蕭條秋影稀粉屏珠綴流螢飛苔生舞席塵蒙鏡空傍
閒階尋履藁宛宛青陽日將暮惆悵君恩棄中路妾心如月
君不知斜倚雲和雙淚垂

凌歊臺懷古

朝發石頭渚暮宿黃山道携酒眺古臺離離但煙草憶昔茲
臺何壯哉宋主離宮臺上開臺前寶樹入層漢臺下炎歊隘
九垓三千歌舞宿雲端公子王孫往復還秦關捷書不再返
鼎湖飛龍誰復攀繁華一旦乃如此寂寂荒臺秋色裏往事
徒悲禾黍場殘碑半墮滄江水滄江水流去不迴空陵劫火
變寒灰欲將霸業問行路黃山落日清猿哀

蒼梧道中

驅車九疑道獨鳥東南飛看山不覺遠秋雲生我衣深谷走
羣籟半岑明夕暉中林有蘭茝薄暮空芳菲

送沙子進赴祿州別駕

言集卷一
客舍酒初香都門柳色黃一官仍別駕萬里赴炎荒江路猿聲早山城榕葉涼遠人勞撫字且勿厭殊方

送趙友同還華亭時水泛三吳

積水渺無際送君江上還九峯何處所迢遞白雲間舊業菱荷在秋風鷗鷺閒定知三泖月相見一開顏

塞上曲

逐虜金微道一上單于臺關門秋色斷羌笛夜聲哀少婦龍沙夢長安鶴使迴祇今青海月流影碧天來

題米老山水

海嶽菴前覓舊蹤蒼茫雲樹米南宮別來幾片青山影都付寒鷗一笛風

登月江樓

朝來一上月江樓
江雨長涵瘴水流
望斷釣槎人已遠
青山點點是邕州

交州卽事

一騎衝寒到市橋
夕陽煙樹草蕭蕭
居人猶指高駢塔
碧瓦朱甍尙未凋

高廷禮 十首

廷禮初名棟字彥恢
長樂人永樂初以布衣召入翰
林爲待詔遷典籍有嘯臺集
二十卷木天清氣集十
四卷

詩載高廷禮擬早朝大明宮及送王李二少府詩如
旌旗半捲天河落閭闔平分曙色來清川雨散巴山

出大澤天寒楚樹微殊有唐風
國雅高廷禮才識博達嘗輯唐詩品彙世稱精鑒及
閱其集文多而意少且乏新興至擬古諸作頗擅雕
蟲往往青於藍者
畫史會要高典藉畫原於米南宮父子出入商高間
方壺子畫妙貞一初識先生稱賞不置曰異時當爲
名家在翰林二十年四方求畫者略無虛日
閩書林眞士長樂人工山水與高棟友善棧題眞士
畫云楚天眞士外數峯青山水桃花滿洞庭落日樓臺
明鏡裏欲停瑤瑟候湘靈
列朝詩集漫士流傳篇詠母慮千餘篇選唐詩品彙
九卷拾遺十卷議者服其精博書得漢隸筆法畫
出米南宮父子時稱三絕門人林誌志其墓曰詩至
唐爲極盛宋失之理趣元滯於學識而不知由悟以
入自襄城楊士宏始編唐音正始遺響然知之者尙
鮮闕三山林部鴻獨倡鳴唐詩其徒黃元周元繼
之先生與皆山王恭起長樂頴齊名至今閩中詩
人推五而殘膏賸馥沾溉者多林之論閩詩派可
謂悉矣推闡之詩派稱三唐而祧宋元若西江之宗
杜陵也然與否耶勝部之學唐詩摹其色象按其音
節庶幾似之矣以其所以神秀呈黃梅謂依此修行免
似而不知由悟以人也

墮惡道昔人亦謂日撫蘭亭一紙終不成書自閨詩
一派盛行永天之際六十餘載柔音漫節卑靡成風
風雅衰誰職其咎自時厥後弘正之衣冠老杜
不深望於後之君子矣漫多受病則一反本表微不
擬唐之作音節可觀神理未足時出俊語錚錚自居
木天集應酬元長座聖堆積漫士既以詩遇錚錚自
後遂無片什可傳唐詩不復能歌渭城者乎
香祖筆記宋元論唐詩初盛分初盛中晚故三體鼓
吹等集率詳中晚而略初盛猶未暢其說間有外謬
始稍區別有正音有餘響然猶未暢其說間有外謬
迨高廷禮品集出而所謂正始正宗大家名家羽翼
接武正變餘響皆井然獨七言古詩以李太白爲
正宗杜子美爲大家王摩詰高適夫李東川爲名家
則非是三家者皆當爲正宗李杜均之爲大家岑嘉
州而下爲名家則確然不可易矣
朱琰明人詩抄正集漫士詩俞汝言謂歌行尤勝珠
不然其最佳者五言短古高處直逼韋柳
田按漫士選唐詩自是雅裁明時如楊升菴謝在杭
已有異議要是小疵不害其爲佳選也詩斷自唐以
上前後七子亦隱宗之其所異者七子探源漢魏十
子株守唐一代耳

將歸龍門留別治城諸遊好

海水與別意相看更誰深
長風向東來吹我東歸心
悵然舊山雲蒼茫遠洲樹
一雁飛晴空翩翩又東去
此別非萬里後遊當幾時
銜杯不盡歡握手翻成悲
我去聽寒泉君留釣臺月
唯有長相思因之寄天末

遊龍峯西巖得傍字

巖下春已深客心自茲曠
玩奇不知遙青山鬱相向
溪聲送行客空翠引寒杖
洞門倚天開苔磴緣雲上
松際眞境豁石林爭異狀
稍知仙趣深孰謂此身妄
東厓極眺聽晚色分遠望
雙境落澄湖孤帆入溟漲
瀟然微一來爽氣橫疊嶂
笑揮青霞杯醉和白雲倡
茲賞吾道存良遊保開放
願割區中緣

煙霞許相傍

郭晦之歸辰峯羣公相送至光嚴寺分得客字

化城負東郭地古嚴公宅同佩結幽尋况值將歸客山門坐
翠微蘿逕入松柏定水駐行衣香雲繞離席銜杯雙樹間百
里見海色日暮各分飛空山夜寥寂

同遊六平山探得燭字

出郭秋已深寒原騁心目愛君幽樓地市廛若林谷初月諧
晚尋同人遂成宿樓虛在山翠書聲向橋木飛雨一峯來微
雲度疏竹清鐙對殘尊孤琴寫幽曲自得靜者心何須遊秉
燭

嶠嶼春潮

日言系馬
瀛洲見海色潮來如風雨初日照寒溝春聲在孤嶼飛帆落
鏡中望入桃花去

衡江夕露

大江白露下秋氣橫滄浪夜色不映水微風忽吹裝孤舟待
明月時聞蘭杜香

林伯明阜林高隱

小隱溪壑古松風引涼陰片雲對虛牖曉日明疎林百里見
海色孤光霽人心悠悠塵外意寄韻邱中琴

得鄭二宣海南手札

番禺天外古交州念子南行戀舊遊故國又經花落後遠書
翻寄雁來秋梅邊野飯逢人少海上青山對客愁爲報羅浮

雲影道早隨明月引歸舟

夏谷雲泉

雲影蕩山翠泉聲亂溪湍長林無六月蘿薜生秋寒

秋山釣瀨

萬壑收夕霏一溪湛秋影涼風吹釣絲嫋嫋空波冷

陳亮二首

亮字景明長樂人明初累徵不起有儲玉齋集

黃日記全閩詩傳景明故元儒生洪武永樂間累徵
遺逸或推穀景明景明日吾投迹明時遊巖泉石間
吾志慊矣竟不出作讀陳搏傳詩以見志山中爲小
樓號曰儲玉購四方名書藏之又作草屋滄洲中與
名士王恭高棅日相過從以詩酒爲樂時往三山中
爲九老社以此終

龜峯

疇昔過茲鄉駐馬望龜石蹉跎兩鬢華始作登臨客浮雲散
輕陰霽日見海色向來多豪傑聲譽何藉藉良辰作佳遊此
地幾登歷我來一感慨俯視今非昔落日松風生邇同景已
夕

晚春閒思

門巷客來稀閒居靜掩扉微風花自落細雨燕雙飛向曉披
遺帙迎暄換袷衣年年此時節惆悵送春歸

鄭定二首

定字孟宣閩縣人陳友定辟爲記室友定敗浮海亡
交廣間尋還居長樂洪武中徵爲延平訓導歷齊府
紀善終國子助教有澹齋集

高郵女兒歌

高郵湖水清且幽高郵女兒能盪舟十八梳粧好高髻二十
嫁夫長遠遊青菱鏡破寶釵折翡翠衾寒疊香雪芳草王孫
去不歸噓蛄嘓斷秦樓月樓前楊柳飛絮多門外蛛絲成網
羅高郵湖水增夕波高郵女兒將奈何

再往三山

去歲才從上海還今年又復戴南冠榕陰巷陌春風老荔子
樓臺宿雨乾幾處舊遊重載酒十年往事一憑欄回頭卻羨
天台道有客吹簫跨玉鸞

王褒二首

褒字中美閩縣人洪武癸酉舉人歷瑞州長沙教官

遷永豐知縣永樂中與修大典擢漢府紀善有養靜集

列朝詩集中美與孟揚安中齊名其詩殊乏才情不堪鼎足或其佳者不傳耳

湖南田舍

藹藹湖上山迢迢湖上路田家南湖濱三五亦成聚朝耕湖上田暮喚湖上渡老稚遠相迎牛背挂農具今年喜有秋不爲租稅慮牀頭釀茅柴取醉羅粟芋相看桑麻長且樂成嫁娶

送僧還莆田

都門相送處無奈柳條長呪引天花落經翻貝葉香浮杯吳水綠飛錫海天蒼後夜涵江月應期到上方

唐泰二首

泰字亨仲閩縣人洪武甲戌進士授行人終陝西副使有善鳴集

次陳山人隱處

獻春始休沐輕策尋幽風煙篠不知路柴扉隱其中雜花覆小澗下映流泉紅冥心聽喧鳥解帶投芳叢誰識此嘉遯心期黃綺同而軒有餘興月出鳴絲桐

寄林欽

千里一爲別思君遠更親雲霄心自遠江海業長貧古道迷黃葉寒汀覆白蘋秋風如有待歸計欲垂綸

周玄三首

玄字微之閩縣人永樂中以文學徵爲禮部員外郎

有宜秋集

田按周微之黃玄之皆子羽詩弟子微之差優管挾書數千卷止長樂高棟家讀十年卒業辭去盡棄其書曰舉在吾腹笥矣所著揭天謠甚有時名竹垞謂二玄詩句續字姿良然余擇其篇幅貫串者錄之

道山清冷臺

松門媚煙景探玩輟輕策林谷諧宿懽川雲返初跡鳴絃希
叔夜躡屐企安石餘花映樽俎落日散巾舄笑語澹忘歸重
期諒超隔

揭天謠

魚鱗居次龍堂高琉璃砌空銀爛濤波靈泣訴海若恨腥風
卷畫雲漕漕珠潭沈光燄神嫗瘦蛟啾啾走沙雨仙郎秋袂

斑斑嘒淚花凝碧扶桑樹

送曾譯使歸山中

鄰霄臺下罷登臨一曲離歌淚滿襟芳草懷人頻積夢流年
遠別又驚心春城雁去餘寒盡野戍花飛暮雨深今日遠尋
陶令尹青山卧病謝朝簪

黃玄二首

玄字玄之侯官人官泉州訓導

馬頭江

暝色入長江江帆疾如鳥遙遙白雲外一望更何有長江滄
浪曲遠映滄浪叟何處有僧廬殘鐘到溪口

送金秀才之溫陵

官亭花發酒初香
白馬翩翩大道傍
醉客盡隨歌舞散
寒山空對別離長
紫雲洞裏逢秋月
赤鯉潭邊度早霜
休說故山多少恨
軍中吹角斷人腸

明詩紀事卷十一

貴陽陳田輯

甲藏

劉崧 二十三首

崧初名楚字子高泰和人元末舉於鄉洪武初以經
明行修舉授兵部郎中遷北平按察司副使坐事輸
作京師尋放歸徵拜禮部侍郎署吏部尙書致仕歸
復徵爲國子司業有槎翁詩選十二卷補遺四卷文
集十八卷

王士禎古詩選有明一代作者最多七言長句在明
初則高季迪張志道劉子高爲最後則李賓之至何
李學杜祿諸家之坦迪獨于沈韓頓挫處用意雖一
變前人號稱復古而同源異派實皆以杜氏爲崑崙

墟

田按子高詩有鍾陵五雲鄧溪雙溪鳳山瑤峯壘池
東門珠林龍灣北巖龍門戍已十有三集合爲槎翁
詩選其自序云年十六得臨川虞翰林清江范太史
詩誦之晝夜不廢益求漢魏而下盛唐以來號爲大
家者究其意之所在知成樂必本於取釣故未嘗執
一器以求入音之備調膳必由于庶味故未嘗設一
品以求入珍之全其不能自己於言者譬如幽鳥之
鳴春秋虫之號寒可謂究極此事之甘苦宋潘處劉
仲修烏春草作集序甚致推崇王弼州胡元瑞錢牧
齋朱竹垞亦有論定余獨賞漁洋七言爲最一語故
此選七言採掇爲多云

陪陶尚書宋太史夜宿齋宮分韻得萬字

鳴鸞莅陽郊陪祀服明憲旗常擁圓墀幕轡蔽倚句天高風
泠泠露白星婉婉尊罍秩斯舉簾業縱以建凝神向澄肅秉
德方恪愿調笙思肄三振羽將舞萬張筵盛布設陳幣昭奠
獻聽漏促晨興嚴衣戒宵偃駿奔尚齊趨慎簡慚碩曼感孚

豈殊徵恭事式同勸

田按宋景濂郊禋慶成詩序云洪武壬子冬十一月
辛酉上出宿齊宮有司戒見及期行事百辟卿事後
先駿奔既竣事禮部尙書陶凱工部尙書黃肅工部
侍郎牛諤晉府參軍熊鼎磨勘司令吳雲兵部郎中
劉崧工部主事周子諤祕書監丞陶誼晉府錄事張
孟兼吳府錄事吳從善咸謂升中于天國之大典幸
際熙明興於執豆籩之列不可無篇什以紀慶成昭
示萬世遂以星臨萬戶動月榜九霄多爲韻各賦詩
一章諸人詩多不傳惟子高此作尙在集中子高又
有陪祀方邱應制詩序云洪武五年五月十一日戊
午夏至皇帝將有事於北郊進詣齋宮以居有旨命
召兵部尙書吳琳禮部主事朱濂率六部文學之士
與俱來於是尙書禮部臣陶凱尙書工部臣黃肅
林應奉臣張籌侍儀使臣俞潛起居注臣劉季道蔣
于杰給事中臣朱善祠部主事臣張孟兼禮部主事
臣孫某國子學正臣夏閔學錄臣蕭執職方郎中臣
劉崧咸趨出齊廬因命賦殿下柳拾并荷露詩一首
臣琳等覃思濡給以次呈獻上親覽誦之第有差
旣而復命貴人傳旨令賦詩者咸往殿後觀觀于
花俾人各賦詩旣成序進如初明史蕭執傳亦紀此

事稱帝閱執詩喜過示諸臣召使前寵眷領一時詩亦不傳附見其事於此

採野菜

採野菜行且顧野田雨深泥沒路稚男小女挈筐籠清晨各
向田中去茫茫四野煙火絕去年秋旱今年雪草根凍死無
寸青却攬枯荻淚流血水邊蒲苳未作芽甘薺出泥先放花
長條大葉瘦且老得似家園松韭好枯腸暫滿終易饑酸苦
罄人還自知採野菜行且哭貧家食菜苦不足塞軍掠人還
食肉

告天鳥

江南有小鳥羣飛上天入天杪黃茆嶺頭拾虫蟻聲聲告天
鳴不了山前山後春雨晴啾啾千聲連萬聲鬱然飛出不可

見失勢一落猶哀鳴鳳凰南飛顧之笑何不連引爲娛嬉謂
爾軀體陋羽毛無鮮奇徑寸之茆可以營爾栖一粒之粟可
以充爾饑胡爲躑躅苦抱憤奮首上訴鳴聲悲勸爾勿多言
多言生間危吻弊吮絕徒爾爲天門九重深不知

後掘塚歌

峴岡西北龕村路近郭家家葬墳墓富家盡栽松柏林葬時
裝斂帛與金百年太平人事好時時子孫來拜掃祭餘列宴
臺亭深細馬香車入青草墓門碑石高崢嶸界水連山誰敢
爭枯枝墮地無人拾牧豎驅牛下山行亂兵西來人散走青
野荒荒絕雞狗邱墳已見遭掘伐棺槨還聞被椎剖錦衾繡
袂顏色新玉珥金環光照人前年幽鬼窖中物去作誰家富

貴春

養牛歎

田家養牛如養子愛惜皮毛少鞭撻一冬霜雪無青草還餒
鹽羹酸糠粃全家性命繫一牛牛肥卽喜瘦卽愁木闌土屋
護乾煖出入更防人夜偷亂來買牛如買馬典盡春衣酬買
價寸田尺土未得耕軍來牽牛誰敢爭攔街號哭送牛去青
草空餘舊眠處君看新來山寨軍前日亦是耕鋤人卽今打
糧不耕土身著牛皮食牛脯

題龔本立所藏燕文貴雲岫圖歌

豫章龔郎好文雅錦軸牙籤滿書架示我春雲出岫圖云是
燕公之所畫高堂慘淡開林邱青峰赤谷爛不收長風浩浩

起天末萬壑青雲如水流松根石頭伏羊虎松頂垂蘿綠如
雨伊誰濯足望青天絕似東歸孔巢父匡廬巫峽相渺綿三
湘七澤俱可憐冥鴻蕭條洲渚斷風帆杳杳歸何年吁嗟燕
公眞絕筆好手當時稱第一殘縑猶帶汴京愁墨色蒼茫映
寒日城樓六月煙塵黃我亦看雲懷故鄉思君如憶圖中景
應過水西尋姥岡

題邊長文爲黃子邕畫雪舫齋圖

蕭峰隱者黃子邕綠眉秀頰雙青瞳雪中曾踏溪南石坐聽
蕭聲雲霧中懸崖路轉愁獨往結屋溪邊小於舫絕似山陰
王子猷夜半乘流入虛朗朝歌綠水憐芳春暮歌黃竹哀時
人長風遠從海上起劃見六合無纖塵新城往年兵革起林

杪高軒化荆杞東湖湖上遇邊郎爲寫幽居雪山裏千畦凍
合凝夕光江鳥不飛沙岸長別浦維舟初罷釣深簷卷幙更
傳觴簫峰遠在青天外玉樹蕭森澹相對疑有飛輶駕白虬
飄搖下與羣仙會仙人一去不可呼此境欲往愁荒蕪炎埃
六月何由濯日倚湖陰看畫圖

題堵郎中畫湘漢秋色圖

兵曹簿領困填委忽見雲山落塵几問君何意貌此圖湘漢
瀟瀟秋色裏長峯巨壑相參差彷彿江行曾見之雲中樹色
三百里峽裏猿聲十二時古人今人不相見江水依然淨如
練魚鳧窈窕接山川雲雨荒荒出臺殿岬迴路轉楓林青丹
崖紺壁秋冥冥山童出掃澗上葉客意已到松間亭登高望

眼心獨苦江濶霜清雁如兩九天飛瀑下香爐萬里歸帆到
鸚鵡我從前年來帝京偶離疏屬峨冠纓故園耕釣歸未得
對此佳致空含情茅堂遠在珠林下安得從君問圖寫九衢
塵動五更風又趁雞鳴逐朝馬

寄贈萬德躬時在清江

文章名世自有神詩家之秀今何人豫章特達邁先輩一出
已絕江西塵乾坤悠悠入清曠歎息斯人欲誰向清秋鴈隼
破陣絕白日驂騶動悲壯時携寶玦青珊瑚看花調笑當壚
妹結交老蒼五六輩議論已遍東西都功名不來心獨苦卻
望美人思遙浦月中吹笛上丹邱煙際飛帆拂天姥浩然弔
古登高臺誰能酌子黃金罍石橋聽雨青楓合海門望日丹

霞開縣中許令高閑者聞子悲歌在林野自躡二履行相迎
手攀碧蘿卻鞍馬秋風九月吹吳關忽復鼓棹從東還匡廬
雲錦九千仞片片飛落新詩間獨携稚子憐遠別草堂臨流
故幽絕少年吐氣成紫霓攬髮何堪半如雪卻從帥幟坐談
兵直以精采空鯢鯨船東下海波淨劍光夜出清江城由
來壯志在短褐空谷亭亭老相栢亦知楊子奈長貧豈識相
如故多違長安冠蓋日紛紛有詔徵賢安得聞白沙翠竹自
江嶺隔水卧看西山雲我自來西山城中迹如埽誰家楊柳
鳴黃鸝忽見秋霜落圍聚雙溪之水東北流上有繡谷青綢
繆長松遙挂海底月眼明照見樽中愁愁心復幾何舒卷風
中霧落日斷雲氣令人思元度人生富貴須何時莫設窮愁

傷汨之君行可逐白鷗侶亦棹酒船遊會稽

寄答夏仲寅

宜春才子清時望精神峭緊才疏放野服不遊城市間扁舟
祇在江湖上往年訪我珠林灣草屋榛溪相往還是時八月
十五夜明月東上仙槎山君船政繫灣頭柳玉瓶雙倒金陵
酒滿洲風露聽歌呼水面寒光碎星斗別來鴻燕邈相尋朱
耶忽寄雲中書碧箋麗句細作字秋水掩再生芙蓉東南轉
戰幾千里白雲在山招不起使者空尋顏閩盧神仙還入東
吳市今年五月勞遠尋快閣磯頭江水深手持輕箑忽贈我
使我披拂清煩襟如何相逢卽相別回首音塵忽超越松桂
早已見清真雲月何由比高潔知君慣作汗漫遊揚帆鼓柁

春江流重湖煙雨葭莢綠我亦飄飄隨白鷗

題張京尹所獻嘉瓜圖歌

南京五年夏六月京尹獻瓜狀殊絕駢飈雙承雕玉漿連苞
並進黃金闕尹言產自句容縣野老田夫駭初見一葉連蜷
引渾淪兩壺磊砢連慈荷是日君王御武樓徵問吏牒趨公
侯星聯翠影落丹辰日射神光浮晁旒敕令捧至乾清殿未
擬先嘗須廟荐詞臣上頌美真奇畫史圖形著蕃衍盛哉聖
恩浩如天民勤物阜宜豐年小臣作詩紀嘉應願繼大雅歌
綿綿

田按洪武五年六月應天府句容縣民張觀家園產
嘉瓜雙實同蒂圓如合璧京尹張遇林兩以素匭圖
其形於上移文禮部請以奏聞尙書陶凱等奉瓜以
獻帝御武樓觀之丞相汪廣洋等奏漢元和中嘉瓜

生於郡國唐汴州亦獻嘉瓜天錫珍符實見于茲帝
謙讓弗居命實乾情宮聖日薦於太廟特製嘉瓜贊
以紀之宋景濂亦有頌云句容之墟物無疵癘神瓜
挺出殊實同帶瓜孰非單比合而生二氣毓質雙星
降精密房均甘圭冰滋爽明月重輪彷彿堪象此詩
所謂詞臣上頌當卽指景濂也

寄萬德躬

日暮山風吹女蘿故人舟楫定如何呂仙祠下寒砧急帝子
閣前秋水多聞海風塵鳴戍鼓江湖煙雨暗漁蓑何時醉把
黃花酒聽爾南征長短歌

秋林圖題贈曠伯達

迴風蕭蕭吹北林行雲冉冉生夕陰天寒雁去洲渚靜秋雨
龍吟波浪深飄泊共憐今日興畫圖因見古人心幾時螺子
青楓下深結茅堂更遠尋

贈黃近賢自宜春過潯原上潯州訪周錄事二首

錄一

卽遣北風吹上灘，且含飛雪壓同瀾。
沙頭走馬醒午醉，石裏買魚供晚餐。
傳籤亭長迎水鷁，擊槳巴童歌木蘭。
故人青眼望吾子，晏歲莫辭行路難。

題山水畫

山岡盤盤多樹林，江水湛湛愁人心。
赤雲樓觀落日外，白石溪澗長松陰。
嘯猿虛疑近翠壁，飛鳥劃恐迴高岑。
野亭春色苦無賴，忽憶故人思遠尋。

感愧寄李子翀鄧子益

將軍屯戍落秋風，客子離思逐暮鴻。
書劍遠投煙瘴外，鼓笳淒斷月明中。
野猿引子溪藤綠，山麝眠香石竹紅。
涼氣蕭森

盤兩峽直愁華露隕高楓

過永和同子永劉憲史遊青都觀謁蘇黃二先生祠

金華仙人玉局翁青都臺觀五雲東
十年喪亂殘碑在前代風流二老同
海藏出雲龍敢蟄松壇過雨鶴盤空
傷心落日滄江上萬疊青峰照蕊宮

水口田家

水口山腰三四家楓林茅屋帶蒼葭
野人敲火夜然竹溪女踏雲朝浣紗
水落寒潭魚可捕草肥秋隴兔堪置
有時刀槩還登砦雞犬蕭蕭隔暮霞

花朝和王伯衢寄示

到處有花不待招常年客裏記今朝
高林秀野含丹露煖日

晴雲動碧寥樂事已嗟隨逝水兵塵猶恐逐驚飈祇今誰醉
蕪湖酒腸斷東風十五橋

觸事

眼見林櫻墜赤珠愁隨庭草積蠶餽茶煙出戶自明晦花雨
拂簷時有無把筆祇應酬嘯咏杜門久已厭奔趨稿稭一點
林梢雪悵悵幽禽不可呼

題贈樸閣醫士

樸閣道人神宇清手携綠玉上南京市中壺公自不老海上
安期知有名當欄種藥花露濕鐏火斲苓松雨晴鄱陽山水
亦故里何日放船歌濯纓

海子橋午憩

海子橋西是泮宮尋幽偶此憩青驄一春時少催花雨二月
偏多擺柳風瓊島晴薰煙澱合金河凍釋水雲空沙邊小艇
無人繫愁絕滄浪舊釣翁

題生色海棠

生色海棠誰畫得清溪著色最清真柔條破玉枝枝潤細蕊
垂絲朵朵勻神女行雲巫峽曉仙娥泣露錦江春金盤華屋
母煩薦日射銀屏正惱人

許伯旅 九首

伯旅字廷愼黃巖人洪武中官刑科給事中有介石

稿

詩談許廷愼若天台雁宕雄踞東南小杜之稱豈容
多讓

田按廷慎詩格調高老介石稿已不傳朱竹垞云赤城續志所載寥寥數篇余極力搜訪如明風雅黃巖詩集差較完備

悠然閣爲盤所賦

屏迹卧空谷蕭然謝喧厯晨興坐飛閣若見南山來雙鳥何
翩翩孤雲共徘徊勝景自茲得塵心日悠哉有客方外歸時
來展幽懷觴詠或終日了無形迹猜地迴機已息語忘中自
諧願言蔣生徑卒歲從君開

題餘姚張氏翠竹軒

四明之西天姥東青山崛起摩穹穹若翁種竹住其下已覺
地與桃源通手招仙客碧雲裏石室陰陰落花紫秋風夜半
天上來洵若滄溟六鼇起憶昨紅塵暗江海金谷平泉一時

改冰枯雪死斤斧餘不意此君今尙在拂石彈琴坐碧溪懸
崖颯沓吹雲霓壑龍脊翻后土裂皓鶴夜舞青天低百年行
役悲陟岵軒中故物誰爲主葛陂變化元有神白髮淮南夢
煙雨我家有竹千箇竿老屋蕭瑟常風寒浪迹天涯未歸去
作詩愧我青琅玕

題林藥所家藏子昂枯木竹石圖

魏公之畫今罕得君家此圖纔數尺酒闌客散試一觀坐覺
蒼煙動虛壁春雷劈樹江雨黑奔濤滌瀨鳴相激乘槎仙去
珮聲寒夜深卻抱支機石想當意到揮灑時眾史見之應辟
易精靈慘淡出肺肝殘墨淒涼覩顏色買舟昔日過吳興載
酒會上鷗波亭當時池館意蕭瑟但見水竹含空青百年興

殷未易明草堂昨夜風雨驚山靈怪我且歸去醉卧白石聽
秋聲

題趙搗謙六書

六書變滅同雲霞後有作者誰專家考亭先師昔志此老弗
及爲猶嘆嗟君生楚在考亭後執策無從道何授力窺篆隸
著明言百世重是清門胄陰陽垂象日月懸宮徵迭奏聲相
宣神融理得非偶爾旁暢曲通因自然荒墳斷簡科斗蠹猛
雷破石天書露昔人辨鑒極微茫非君孰得知其故文章與
世相推移道在勿憂知者稀休風一散久當復我已識子窮
幾微時時灑翰寫胸臆巧匠旁觀慘無色短椽挂壁風雨來
古劍騰波百靈泣往代楊雄空好奇閉屋草元頭盡絲至理

無聞世無補更千萬語今何爲趙君趙君當自惜持此自可
垂金石聖賢墜學久寥寥上帝母令六丁得

題林盤所學民家藏溫日觀葡萄

張顛草書天下雄醉筆往往驚羣公溫師作畫亦若是我知
畫與書法通葡萄何來自西極枝蔓連雲引千尺世間畫者
誰最高溫師自有葡萄癖當時豪貴爭邀迎掉頭趨走呼不
應酒酣耳熱清興發揮灑始覺通神靈東家雪練西家帛布
地待師師不惜芒鞋踏墨雲海翻滿把驪珠輕一擲百年畫
意誰見之破幅蕭條今尙遺心垢都除入清淨不爾妙悟何
能爲憶我携書客淮右大官都送葡萄酒寒香壓露春漲浮
風味江南未曾有林君對此心忉忉謂余亦種葡萄苗何當

釀酒三千斛愁來一飲三百瓢

題畫

歛迹卧空谷居然謝羣喧間庭落葉滿始覺風露繁夕照墮
木末秋陰入雲根心清趣自得何必棲桃源

松山道中貽林左氏

簪組非吾好邱園乃素心孰知西郭路重爲故人尋水落江
逾壯天寒日易沈飄零慚夕鳥栖息每同林

題扇面小景爲王微沖賦

日腳下林垌秋光入戶庭斷雲歸絕壁飛鳥墜空青松籟風
中得漁歌石上聽扁舟如可問吾亦泛滄溟

奉西野王先生

遠遊無復賦離騷
歲暮猶思范叔袍
歸去釣竿秋水隔
坐來庭樹月華高
魚龍矯矯矜鱗甲
鴻雁冥冥惜羽毛
迴首寒江易蕭瑟
放歌時覺寸心勞

曹谷二首

睿字新民永嘉人占籍華亭元季爲郡學訓導明初遷松江教授有獨興集

田按新民至正辛丑倡爲景德詩會會者十四人前此庚子穆同知思恭有南湖詩會亦十四人僧克新總編爲至正庚辛倡和集周伯琦爲之序會者若高太常吳志徐教授一襲鮑徵士恂牛尚書諒周山長柴張學訓還皆一時耆宿也

景德寺詩會

清晨出城郭悠然振塵纓
仰觀天宇淨俯矚川原平
竹樹自

瀟灑禽鳥相和鳴龍淵古招提飛蓋集羣英唱酬出金石提
携雜口畧丈夫貴曠達細故奚足撓道義山嶽重軒冕鴻毛
輕素心苟不渝亦足安吾生

徐一夔至正辛丑倡和集跋至正辛丑秋七月十有
三日永嘉曹睿以休假出郊憩景德寺諸公携酒相
慰藉環坐以唐人因過竹院逢僧話又得浮生半日
閒之句分韻賦詩雲海師因哀集成帙以誌一時之
良會云

西湖竹枝辭

昨夜西湖月色多照見郎君金叵羅明朝江頭放船去江亭
風雨奈君何

邱民一首

民字克莊揚州人徙居嘉興

景德寺詩會得僧字

上方鬱嵯峨遙睇青雲層餘霏不成靄朝陽射觚棱雙湖鏡
光澈涼飈滌煩蒸輕裳欲飄飄短髮仍髟髯縱觀極夷曠頗
覺秋氣澄載瞻雷音堂招搖肅高僧英英竹鳴雲耿耿蘿龕
燈甌餽天花滿爐香夕煙凝散坐百慮息幽懷詎能勝淵泉
煮芹葵山盤羅艾蓑伊于夙□□歌遊厠賓朋世事良可歎
有酒當如澠

韓守益 一首

守益字仲修石首人明初以儒士攝教宜都擢廣西
按察僉事入爲御史改春坊中允有樗壽藥

楚天樵語樗壽集中文丞相祠詩云黑光盈

過采石磯懷李白

製作隆中古寥寥大雅音文章闢有道天地豈無心白也才
何逸時哉陸易沈蛾眉亭外月還照大江濱

吳琳一首

琳字朝錫黃岡人太祖下武昌以薦召爲國子助教
吳元年除浙江按察僉事入爲起居注洪武四年遷
太常卿進兵部尙書六年改吏部尙書

田按朝錫官起居注時侍遊上苑賜宴奉天門帝命
賦詩以述今日之樂官尙書時陪侍方邱帝命朝錫
及朱景濂率六部文學之士賦柳榆荷露詩可謂榮
幸惜集不傳僅見寥寥數詩而已

煙波亭

漢水連天澗江雲護曉寒青青山數點最好倚闌看

趙儼一首

儼字本初山陰人元進士洪武初徵爲國子博士加

翰林待制致仕

田按本初官博士四年諸生多成就者加翰林待制致仕蓋本初將致仕時加待制以榮之詩錄直云官翰林待制誤矣本初之歸也京朝士大夫作詩贈其行宋景濂有序紀之史稱本初子圭玉兵部侍郎出知萊州有聲劉子高寄圭玉詩云海神廟下波濤壯業子城邊草木稀作郡新聲隨日起趨朝值夢還雲飛記其事也

聽雨樓卷

幽人愛樓居燕坐風雨夕高櫓瀉飛湍空除墮殘滴傾耳疑
枕流屏喧時岸幘江聲咽蕭蕭樹葉寒淅淅境絕迹更佳趣
淡情自適霽曉恰憑闌春深杏花赤